



საქართველოს მთავრობის გ ა ნ კ ა რ გ უ ლ ე ბ ა

N 1604 2025 წლის 30 სექტემბერი ქ. თბილისი

ზოგიერთი მუნიციპალიტეტისათვის უფლებამოსილების ხელშეკრულების
საფუძველზე დელეგირების შესახებ

1. საქართველოს ორგანული კანონის „ადგილობრივი თვითმმართველობის კოდექსის“ მე-17 მუხლის შესაბამისად, მოწონებულ იქნეს საქართველოს რეგიონული განვითარების სამინისტროსა და ზოგიერთ მუნიციპალიტეტს შორის ამ განკარგულების მე-2 პუნქტით გათვალისწინებული უფლებამოსილების განხორციელების დელეგირების შესახებ გასაფორმებელი, ამავე განკარგულების დანართით გათვალისწინებული ტიპური ხელშეკრულება.

2. ამ განკარგულების პირველი პუნქტით გათვალისწინებული ხელშეკრულების საფუძველზე, ზოგიერთ მუნიციპალიტეტს გადაეცეს საქართველოს რეგიონული განვითარების სამინისტროს შემდეგი უფლებამოსილებები:

ა) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების შენობების ნაწილობრივი რეაბილიტაცია;

ბ) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების მხარდაჭერა პოსტავტორიზაციის პროცესში, ავტორიზაციის სტანდარტებთან (ინფრასტრუქტურის ნაწილში) შესაბამისობის უზრუნველყოფის მხარდაჭერა;

გ) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების დაფინანსება მცირე ინფრასტრუქტურული სამუშაოებისათვის;

დ) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების შენობაში ან/და ეზოში სპორტული ინფრასტრუქტურის მოწყობა და ინვენტარით აღჭურვა;

ე) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების შენობებში სახანძრო უსაფრთხოების სისტემის მოწყობა/აღჭურვა;

ვ) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების გაზიფიცირება/საწვავის/ბრიკეტების/შემის შესყიდვა.

3. ამ განკარგულების მე-2 პუნქტით გათვალისწინებული დელეგირებული უფლებამოსილებათა ის ნაწილი, რომელიც მუნიციპალიტეტებისათვის დელეგირებულია „ზოგიერთი მუნიციპალიტეტისათვის უფლებამოსილების ხელშეკრულების საფუძველზე დელეგირების შესახებ“ საქართველოს მთავრობის 2025 წლის 9 ივლისის №1098 განკარგულების (შემდგომში – 2025 წლის 9 ივლისის №1098 განკარგულება) შესაბამისად და დაწყებულია/მიმდინარეობს განხორციელება, დასრულდეს 2025 წლის 9 ივლისის №1098 განკარგულების შესაბამისად.

4. ამ განკარგულების მე-2 პუნქტის გათვალისწინებით გადაცემული უფლებამოსილების დელეგირების მიზნით, მუნიციპალიტეტებისათვის გადასაცემი მიზნობრივი ტრანსფერის ოდენობა განისაზღვროს შესაბამისი მუნიციპალიტეტის მიერ მიმწოდებელთან დადებულ ხელშეკრულებაში მითითებული ხელშეკრულების ღირებულების შესაბამისად.

5. „საქართველოს 2025 წლის სახელმწიფო ბიუჯეტის შესახებ“ საქართველოს კანონის მე-17 მუხლის „ბ.ბ“ ქვეპუნქტის შესაბამისად, საქართველოს რეგიონული განვითარების სამინისტრომ უზრუნველყოს (პროგრამული კოდები: 32 07 01 03 – „ზოგადსაგანმანათლებლო დაწესებულებების ინფრასტრუქტურის განვითარება“ – საქართველოს რეგიონული განვითარების სამინისტროს განკარგვა და 32 07 05 02 – „საჯარო სკოლების ოპერირებისა და მოვლა-პატრონობის სისტემის განვითარება“ – საქართველოს რეგიონული განვითარების სამინისტროს განკარგვა) ამ განკარგულების შესაბამისად სათანადო ღონისძიებების განხორციელება, „საჯარო სამართლის იურიდიული პირის – საგანმანათლებლო და სამეცნიერო ინფრასტრუქტურის განვითარების სააგენტოს უფლებამონაცვლე უწყებების განსაზღვრისა და მათთვის სათანადო უფლებამოსილებების გადაცემის შესახებ“ საქართველოს მთავრობის 2025 წლის 30 ივლისის №302 დადგენილების გათვალისწინებით.

6. ამ განკარგულების პირველი პუნქტის შესაბამისად, საქართველოს რეგიონული განვითარების სამინისტროსა და მუნიციპალიტეტებს შორის გაფორმებული ხელშეკრულების საფუძველზე და ამავე განკარგულების მე-2 პუნქტის გათვალისწინებით, შესაბამისი მუნიციპალიტეტის მიერ მიმწოდებელთან დადებულ ხელშეკრულებაში მითითებული ხელშეკრულების ღირებულების შესაბამისად მუნიციპალიტეტებისათვის გადარიცხული თანხიდან დარჩენილი ეკონომია/ფინანსური რესურსი ბრუნდება სახელმწიფო ბიუჯეტში.

7. „სახელმწიფო შესყიდვების შესახებ“ საქართველოს კანონის 10¹ მუხლის 3¹ პუნქტის შესაბამისად, სახელმწიფოებრივი და საზოგადოებრივი მნიშვნელობის ღონისძიების შეზღუდულ ვადებში შეუფერხებლად ჩატარების მიზნით, მიეცეთ უფლება მუნიციპალიტეტებს, ამ განკარგულებით განსაზღვრული ღონისძიებების უზრუნველსაყოფად საჭირო სამუშაოს/მომსახურების/საქონლის შესყიდვის ელექტრონული ტენდერის პროცედურები განახორციელონ „სახელმწიფო შესყიდვების შესახებ“ საქართველოს კანონის 15¹ მუხლის მე-3 პუნქტის „ა“ და „გ“ ქვეპუნქტებით განსაზღვრული შესაბამისი ვადებით. ხოლო, საჭიროებისამებრ, სახელმწიფო შესყიდვები განახორციელონ გამარტივებული შესყიდვის საშუალებით, კანონმდებლობით დადგენილი წესით.

8. მუნიციპალიტეტების შეთანხმებით შესაძლებელია სახელმწიფო შესყიდვის ერთობლივად განხორციელება კანონქვემდებარე ნორმატიული აქტით დადგენილი წესით.

9. ამ განკარგულების მე-2 პუნქტით გათვალისწინებული უფლებამოსილებების დელეგირება მოიცავს, მათ შორის, „საჯარო სამართლის იურიდიული პირის – საგანმანათლებლო და სამეცნიერო ინფრასტრუქტურის განვითარების სააგენტოს უფლებამონაცვლე უწყებების განსაზღვრისა და მათთვის სათანადო უფლებამოსილებების გადაცემის შესახებ“ საქართველოს მთავრობის 2025 წლის 30 ივლისის №302 დადგენილების დანართით გათვალისწინებული საქართველოს რეგიონული განვითარების სამინისტროსათვის განსაზღვრულ დაწყებულ, არსებულ და დაგეგმილ ვალდებულებებს.

პრემიერ-მინისტრი



ირაკლი კობახიძე

საქართველოს რეგიონული განვითარების სამინისტროსა და მუნიციპალიტეტს შორის
უფლებამოსილების განხორციელების დელეგირების შესახებ ხელშეკრულება

ქ. თბილისი

— — 2025 წ.

საქართველოს რეგიონული განვითარების სამინისტრო (შემდგომ - „სამინისტრო“) წარმოდგენილი - - - სახით და მუნიციპალიტეტი, (შემდგომში - „მუნიციპალიტეტი“) წარმოდგენილი ----- სახით, ერთად წოდებულნი როგორც - „მხარეები“, ვხელმძღვანელობთ რა, საქართველოს კონსტიტუციის 75-ე მუხლის მე-4 და მე-5 პუნქტებით, საქართველოს ორგანული კანონის „ადგილობრივი თვითმმართველობის კოდექსი“ მე-17 მუხლით, „საქართველოს რეგიონული განვითარების სამინისტროს დებულების დამტკიცების შესახებ“ საქართველოს მთავრობის 2025 წლის 30 აპრილის №134 დადგენილებით დამტკიცებული დებულების მე-2 მუხლის მე-2 პუნქტის „ი“ ქვეპუნქტისა და საქართველოს მთავრობის 2025_ წლის --- №--- განკარგულებით, ვთანხმდებით შემდეგზე და ვდებთ წინამდებარე ხელშეკრულებას.

მუხლი 1. ხელშეკრულების საგანი

1.1. წინამდებარე ხელშეკრულების საგანია მუნიციპალიტეტის მიერ :

- ა) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების შენობების ნაწილობრივი რეაბილიტაცია;
- ბ) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების მხარდაჭერა პოსტავტორიზაციის პროცესში, ავტორიზაციის სტანდარტებთან (ინფრასტრუქტურის ნაწილში) შესაბამისობის უზრუნველყოფის მხარდაჭერა;
- გ) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების დაფინანსება მცირე ინფრასტრუქტურული სამუშაოებისათვის;
- დ) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების შენობაში ან/და ეზოში სპორტული ინფრასტრუქტურის მოწყობა და ინვენტარით აღჭურვა.
- ე) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების შენობებში სახანძრო უსაფრთხოების სისტემის მოწყობა/ აღჭურვა;
- ვ) საქართველოს განათლების, მეცნიერებისა და ახალგაზრდობის სამინისტროს სისტემაში შემავალი ზოგადსაგანმანათლებლო დაწესებულებების გაზიფიცირება/საწვავის/ბრიკეტების/შემის შესყიდვა.

1.2. მუნიციპალიტეტი უზრუნველყოფს ამ ხელშეკრულების 1.1 პუნქტით გათვალისწინებული დელეგირებული უფლებამოსილების ფარგლებში განსახორციელებელი ღონისძიებების შესრულებას სამინისტროსთან კონსულტაციით.

1.3. ამ ხელშეკრულების პირველი მუხლის 1.1 პუნქტით გათვალისწინებული უფლებამოსილებების დელეგირება მოიცავს მათ შორის „საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტოს უფლებამონაცვლე უწყებების განსაზღვრისა და მათთვის სათანადო უფლებამოსილებების გადაცემის შესახებ“ საქართველოს მთავრობის 2025 წლის 30 ივლისის №302 დადგენილების დანართით გათვალისწინებული საქართველოს რეგიონული განვითარების სამინისტროსათვის განსაზღვრულ დაწყებულ, არსებულ და დაგეგმილ ვალდებულებებს.

1.4. მუნიციპალიტეტი უზრუნველყოფს ამ ხელშეკრულებით მასზე დელეგირებული უფლებამოსილების განხორციელებას, საქართველოს კანონმდებლობით დადგენილი წესით.

1.5. დელეგირებული უფლებამოსილების განხორციელებაზე დარგობრივ ზედამხედველობას საქართველოს ორგანული კანონით „ადგილობრივი თვითმმართველობის კოდექსი“ დადგენილი წესით გასწევს სამინისტრო (შემდგომში - „დარგობრივი ზედამხედველობის განმახორციელებელი ორგანო“).

მუხლი 2. მხარეთა უფლება-მოვალეობები

2.1. სამინისტრო:

2.1.1. ახორციელებს მუნიციპალიტეტებისთვის დელეგირებული უფლებამოსილების განხორციელებაზე დარგობრივ ზედამხედველობას, საქართველოს კანონმდებლობით დადგენილი წესით;

2.1.2. უფლებამოსილია, მოითხოვოს დარგობრივი ზედამხედველობის განხორციელებისთვის აუცილებელი ნებისმიერი ოფიციალური დოკუმენტი და ინფორმაცია, მათ შორის, სამართლებრივი აქტები და ადმინისტრაციული წარმოების მასალები.

2.1.3. უფლებამოსილია მუნიციპალიტეტისგან მოითხოვოს ხელშეკრულებით ნაკისრი ვალდებულებების დაცვა და კეთილსინდისიერი შესრულება.

2.1.4. სამინისტრო, ამ ხელშეკრულების პირველი მუხლით გათვალისწინებული დელეგირებული უფლებამოსილების განხორციელების მიზნით, უზრუნველყოფს მუნიციპალიტეტისთვის შესაბამისი ფინანსური რესურსების გადაცემას საქართველოს მთავრობის 2025 წლის --- №--- განკარგულების შესაბამისად.

2.2. მუნიციპალიტეტი:

2.2.1. უზრუნველყოფს დელეგირებული უფლებამოსილების ფარგლებში განსახორციელებელი ღონისძიებების შესრულებას.

2.2.2. დელეგირებულ უფლებამოსილებას ახორციელებს კეთილსინდისიერად, სრულად, თავისი პასუხისმგებლობით და საქართველოს კანონმდებლობით დადგენილი წესით.

2.2.3. დელეგირებული უფლებამოსილების ჯეროვნად განხორციელების მიზნით, ასრულებს/ითვალისწინებს სამინისტროს მიერ დარგობრივი ზედამხედველობის განხორციელების ფარგლებში გაცემულ სარეკომენდაციო ინსტრუქციას საქართველოს ორგანული კანონით „ადგილობრივი თვითმმართველობის კოდექსი“ დადგენილი წესით.

2.2.4. დელეგირებული უფლებამოსილების განხორციელებისათვის გადაცემულ რესურსებს იყენებს მიზნობრივად.

2.2.5. ვალდებულია, დარგობრივი ზედამხედველობის განმახორციელებელი ორგანოს მიერ მოთხოვნილი დოკუმენტი და ინფორმაცია მიაწოდოს მოთხოვნიდან არაუგვიანეს 10 (ათი) სამუშაო დღისა.

2.2.6. უფლებამოსილია, დელეგირებული უფლებამოსილება, საქართველოს კანონმდებლობით დადგენილ ფარგლებში, განახორციელოს ადგილობრივ პირობებთან მისადაგებით.

2.2.7. ხელშეკრულებით გათვალისწინებული ვალდებულების/ვალდებულებების შესრულება დასტურდება „თანხის გამცემსა“ და „თანხის მიმღებს“ შორის გაფორმებული მიღება-ჩაბარების აქტით;

2.2.8. „თანხის მიმღები“ ვალდებულია ხელშეკრულების 2.1.4 მუხლით გათვალისწინებული თანხის აუთვისებელი ნაწილი დააბრუნოს სახელმწიფო ბიუჯეტში.

მუხლი 3. ფინანსური უზრუნველყოფა

3.1. დელეგირებული უფლებამოსილების განხორციელებასთან დაკავშირებული შესაბამისი ფინანსური რესურსი გამოიყოფა სახელმწიფო ბიუჯეტიდან მიზნობრივი ტრანსფერის გადაცემის გზით.

3.2. ამ ხელშეკრულების პირველი მუხლით გათვალისწინებული დელეგირებული უფლებამოსილების განხორციელების მიზნით, სამინისტრო უზრუნველყოფს მუნიციპალიტეტისათვის შესაბამისი ფინანსური რესურსების გადაცემას „საქართველოს 2025 წლის სახელმწიფო ბიუჯეტის შესახებ“ საქართველოს კანონის მე-17 მუხლის შესაბამისად (პროგრამული კოდები: 32 07 01 03 - „ზოგადსაგანმანათლებლო დაწესებულებების ინფრასტრუქტურის განვითარება“ და 32 07 05 02 - საჯარო სკოლების ოპერირებისა და მოვლა-პატრონობის სისტემის განვითარება), საქართველოს მთავრობის 2025 წლის --- №--- განკარგულების გათვალისწინებით.

მუხლი 4. ხელშეკრულების მოქმედების პირობები

4.1. ხელშეკრულება ძალაშია 2025 წლის 01 სექტემბრიდან.

4.2. ხელშეკრულება მოქმედებს 2025 წლის 31 დეკემბრის ჩათვლით.

4.3. ხელშეკრულების შეწყვეტა შესაძლებელია მხარეთა წერილობითი შეთანხმების საფუძველზე ნებისმიერ დროს.

4.4. რომელიმე მხარის მიერ ხელშეკრულებით ნაკისრი ვალდებულებების შეუსრულებლობის შემთხვევაში, ხელშეკრულება შესაძლებელია შეწყდეს ცალმხრივად, მოქმედი კანონმდებლობის შესაბამისად.

მუხლი 5. ხელშეკრულების დამატებითი პირობები

5.1. ხელშეკრულების რომელიმე მუხლის ან მისი პუნქტის ბათილობა არ გამოიწვევს მთლიანად ხელშეკრულების ბათილობას.

5.2. საკითხები, რომელიც წარმოიშობა მხარეთა შორის და რომლებიც რეგულირებული არ არის ამ ხელშეკრულებით, გადაწყდება მხარეთა ურთიერთშეთანხმების საფუძველზე. შეთანხმების მიუღწევლობის შემთხვევაში - მოქმედი კანონმდებლობის შესაბამისად.

5.3. ხელშეკრულებაში ცვლილებებისა და დამატებების შეტანა ხდება მხარეთა წერილობითი შეთანხმების საფუძველზე, რომელიც ხელშეკრულების განუყოფელი ნაწილია.

5.4. მხარეთა შორის წარმოშობილი ნებისმიერი დავა გადაწყდება ურთიერთშეთანხმების გზით.

5.5. მხარეთა შეუთანხმებლობის შემთხვევაში, დავას საქართველოს კანონმდებლობით დადგენილი წესით, გადაწყვეტს საქართველოს სასამართლო.

5.6. ხელშეკრულება შედგენილია ქართულ ენაზე, 2 (ორი) თანაბარი ძალის მქონე ეგზემპლარად და ინახება ხელმოწერ მხარეებთან.

მუხლი 6. მხარეთა ხელმოწერები და რეკვიზიტები

საქართველოს რეგიონული
განვითარების სამინისტრო
ს/კ: 204755292

მისამართი: ქ. თბილისი, ვახტანგ
გორგასლის N10

_____მუნიციპალიტეტი

ს/ნ: _____

მისამართი: _____